

四庫全書

集部

欽定四庫全書

石倉歷代詩選卷三百四十三

明詩初集六十三

明 曹學佺 編

周致堯崇德人

述懷

平生遠塵事，畏觸憂患端。
矧茲值多故，而敢懷自安寄。
身途旅中戚，戚苦飢寒為。
生心無庸緝，遺守微官雖。

匪多秩所職期可觀顧非周員器軌事仍獨難蹇予亦何為俛仰徒長嘆

修禊日偕曹廣文七人遊南湖賦得裴休舊業
休字公美捨宅為寺今真如寺是也

幽賞殊未窮揚舲濟南湖載瞻裴公宇蕭條乃禪居緬
思太和年秩班百寮初晚懷超俗緣息心究空虛歲月
既云邁世事亦已徂羲羲清輝堂遺構委榛蕪斯人不
可為慨傷獨在余

三月望日偕曹廣文遊南園得多字

暮春適休暇步遊散煩疴復茲名園賞為樂詎云多依
叢愛繁綠緣沿弄輕波景幽興彌臻慮澹神始和誰思
遽旋歸夕曛在城阿永諧塵外蹤明晨復來過

夏夜宿流虹寺有感

馳騁竟朝暮似緣飢凍迫如何百年間區區為形役世
途寡相知覲顏徒自飾所獲既非寶所喪良可惜生理
固草草進退量我力豈乏希世榮前車已當阨流光急

奔馬素業紛斷織聖道卒未聞怛焉增內惕

詠軒為金子尚賦

大雅輶微響新聲競哇淫行行誰不迷舉世莫能箴慨
彼深巷士淵淵多古心覽物易成感呻吟暢中襟初聆
韶濩鳴再聽鸞鵠吟清冷播空象要妙諧八音詎惟辱
懦興幽夔亦蕭森緣知美刺間感創非獨今王風日已
覃王澤日已深殷勤誦功德永遠被瑟琴

感興

蕭蕭五花馬，矯矯七尺身。
飲馬恒以時，剪刷謂有神。

輕泥障文錦，新鞍被雕銀。
所期越千里，不辭廝養勤。

過都未及試，一蹶不再伸。
吁嗟世之人，求名不求真。

題俞仲剛山水

我昔四明尋隱者，著屐遠過玉几山。
巖扉苔徑轉森邃，結窠迺在雲松間。
松間迴風蕩空影，水流花開春日永。
苧服涼深團扇閒，好鳥飛來意俱靜。
為覓漁梁白沙步，因識樵人奕棋處。
扁舟慎泊碧溪陰，沿月長歌下山去。

欽定四庫全書

石名屋代詩選
卷三百四十三

三

束帶十年事朝謁，鶴怨猿驚總淒切。
草堂晴晝玩新圖，令人欲愁絕。

懷古

我愛陶淵明所居，惟種柳與世實寡諧。
委懷在杯酒，不有千古心。
誰識千載後，意欲從之遊。
斯人復何有。

雨後步南園

裁蔬偏南圃，雨足蔬已長。
晨夕供採掇，筐篚充所將。
豈無膏粱思，自顧不可常。
願言使無違，澹泊庸何傷。

虛白室為毛經歷賦

端居養幽素，沖然澹無滓。
豈乏華藻榮，涅縕恐茲始。
一室洞昭融於焉，表微旨蒙莊。
亦何人先予契，斯理。

送劉中得行字

惠風育繁卉，旭景藹春晴。
端居感時遷，況抱離人情。
華觴愜未足，中懷在嚴程。
還當南榮卧，悵對浮雲行。

聽顧道友吹雙孔笛

幽人製清管，二指宣宮商。
夕響隨風迴，餘悲繞山長。
危葉振欲脫，微波動還揚。
遠近同一聽，感余非故鄉。

古詩

應龍果何物，變化在斯須。
噓氣雲霧蒸，下雨澤九區。
差喉下鱗嬰之能殺，軀那因情欲牽。
參畜同淵魚，其二

邯鄲有猛虎，曾參能殺人。
斯固不足憑，浮言亂其真。
檢人舌下刀，數加君子身。
何如冥冥羽，不為矰繳親。

其三

團團青銅鏡昔從軒轅鑄面涵孤月光背隱雙龍跗
美貌欣自修醜容羞見妬人心自親疎鏡明只如故

其四

猗蘭生中谷不采恒自香園丁亦何知掇置近中堂朝
培根愈萎暮沃葉已黃將養雖以時物性終見傷

其五

蕭蕭水中蒲墳墳蒲上禽託身自得所不忘晉胥侵天
風斷枯條卵破巢亦沈茲焉復何尤慎之在初心

夏日即事

新浴坐溪館微涼在虛襟風條振宿雨石泉和鳴琴因茲塵外境怡我闌世心何事城郭居煩思苦沈沈

雨夜感懷二首

卧聞窗間雨蕭颯夜將深轉望壁上燈依微照孤衾撫茲淒絕候感此遲暮心平明視青鏡白髮滿華簪攬衣起中夜感歎成歎歌百年事形骸所得良不多生理既茫昧動靜防禍羅歸哉南山陲石田蔭松柯

秋夜不寐三首

高館夜無寐孤衾轉蕭爽驚風振庭柯落葉走階響沈
憂靜中起離懷益難廣寂寞誰晤言殘燈耿虛幌

濩落頗已久衰遲亦何甚因念平生懷悲悽不能寢薄
帷照明月中宵益淒凜展轉殊未休疎鐘度高枕

昨日又今日今朝又明朝蹉跎竟何為坐令顏髮凋代
耕既非望閒居亦無聊孤懷共誰寫仰屋奏七謠

訪鮑仲孚先生隱居

溪上齋居好幽偏事不侵桑麻存晚計圖史樂初心
峩
憤幽窓曉移牀綠樹陰卜隣何代老從此數相尋

次石監征韻

憶子臨東海征帆幾日回鼉鳴津鼓合蜃起石樓開官
酒應深酌春衣或未裁題詩紀遊歷時寄到蓬萊

次陳彥博編修雨中見懷

澤國仍多雨溪流沒兩涯墟煙迷小市泥草亂空階
蘊藉詩中意蒼茫病裏懷明朝晴色好對話兩情諧

送崇德州夏同知

慷慨持征節雄談息戰塵有生皆帝力無地不王臣為國丹心在論功白髮新他年忠義傳端合繼前人

送人歸楚

楚甸荒涼舊鎮微春來漸覺思依依故鄉兵後今誰在遊子江南恨獨歸長路關心聞過雁孤城回首見斜暉家人十載傷離別芳草閉堂靜掩扉

寄沂陽劉廷鎮員外

故人相與最從容
尚憶論詩五夜中
白首無家千里別
青山何處一樽同
夢回孤館燈前雨
目斷西風塞上鴻
誰識離懷愁絕處
野庭依舊穆陵東

吳中

兩岸春雲暗
柳條滿蓬風
雨過楓橋空
憐越絕溪山好
且聽吳趨巷陌
遙官舍晚涼飛
燕子水鄉人靜賣魚苗
誰家白皙佳公子
賸把黃金買阿嬌

寄子高都事

昔年相與最多情尚憶聯鑣度錦城御水滿溝看洗馬
宮牆隔樹聽流鶯別來故舊今誰在老去艱虞只自驚
山色湖光總無賴不堪幽獨轉愁生

登崇德城有感

溪上孤城百雉餘城門猶自護儲胥霸陵空宿將軍騎
范叔應隨使者車雞犬蕭條兵過後漁樵散漫市休初
老年觸事多成感閒向芭蕉葉上書

寄舍弟鼎

生計依人轉寂寥別來心事向誰消鏡中華髮隨年改
溪上青山入夢遙對酒便思歸白社將書不敢寄洪喬
越情吳思渾無賴獨倚江樓送暮潮

臨平道中寄京師諸友

雲外羣山綰翠螺馬蹄長是客中過關河樹色秋光近
驛路蟬聲晚更多千古心期空皓首百年人事等滄波
自慚薄劣頻趨走幾度因風想玉珂

春日雨中漫成次顧玉山韻兼柬石監征

十日春泥懶入城滿湖風雨未開晴草堂欲補寧忘破
沙鳥頻來其漫驚橋外柳條隨意綠坐間苔色傍人生
緣知花事渾能幾好買芳樽對客傾

寄劉孝章經歷

意氣傾人記昔年東風飛蓋日翩翩花明古戍春停騎
月上清江夜放船老去文游誰更健亂來蹤跡總堪憐
山光水色渾無賴却數冥鴻野外天

次韻送陳壽夫之湖州

識君雖早送君遲却愧相看在亂離十口一家無別業
此身何日是閒時青山滿路春船酒白月空江客枕詩
我有好懷誰得共鷗波千頃雨絲絲

寄吳興張別駕

鴛鴦飛去潦波平曾聽驪歌憶送行南浦移舟官樹綠
西亭酌酒晚風晴異鄉春近多新夢遠使書回足舊情
欲識懷君無限意滿城芳樹亂啼鶯

送曹廣文賦得富覽亭

危亭突兀城陰風物蒼茫入望沈萬古東南多壯觀
百年豪傑幾登臨夜中日出扶桑近天外江流灔澦深
好趁歸帆拂天姥共憑寥廓寄微吟

蔣氏小瀛洲

茫茫人海小瀛洲靈草丰茸碧樹幽底用風輪通弱水
時逢雲袂下浮丘天陰圖畫龍鱗濕月夜簫聲鶴背秋
我亦平生有仙骨歸來同作采真遊

次韻顧玉山見寄

白水青山杳渺邊每懷高節自茫然不從猿鳥疏名姓
虛託鱗鴻問歲年燈外簷花清夜雨江頭雲樹暮春天
須知無限滄洲意渺渺東風一旆懸

渡錢塘江

日出長江煙霧開越山吳樹抱江迴霸圖踪跡空今古
天塹東南有劙灰山郭雨昏雲似墨海門潮急浪如雷
舟師省柁須看客不數瞿塘艷瀨堆

西津夜泊

孤帆夜落石橋西
橋外青山入會稽
卧聽海潮吹地轉
起看江月向人低
一春衰謝憐皮骨
萬國艱虞厭鼓鼙
何處客船歌水調
令人歸思益淒迷

送南臺察掾張志學赴都

蓬萊宮闕五雲間
天上羣仙集
珮環珥筆每同花
下散玉珂
時聽月中還清秋
憇府芙蓉靜
白日門屏獮
浩蕩天風吹
鶴馭春朝入
覲紫宸班

次韻顧玉山寄張子淵

險宦何殊闢九淵且將蕭散事餘年風前白苧裁春服
花外青藜桂酒錢聖世敢云輕紱冕野人端合老林泉
養生况有封囊藥坐聽流鶯手自圓

春日偕顧玉山汎舟平家湖訪石仲德次韻

湖上春光生綠波湖頭柳色似新鶯已知出郭塵誼少
更喜臨流樂事多穩坐蘭舟勝上馬新裁苧服不須羅
茆堂只隔東西瀼隨意相從載酒過

送僧住徑山

開士持衣登祖寺迢遙雙徑接空虛清晨唱梵層雲表
白日傳燈劫火餘山抱郡城飛雉堞井通瀛海躍神魚
高情也愛談禪悅許近牛鳴便築居

琦元璞所藏趙子昂馬圖

進馭歸來日未西落花芳草滿春泥也知樞上無凡馬
牽過天闊不肯嘶

雙松圖

整整岷峨插彼蒼海波不動海天涼雙蛟化作神仙去

明月中宵劍影長

附高遜志

字士敏，翰林院學士。蒲山人，寓嘉興。

送澄上人南還

東南多名山可望不可即。兵塵浩無際，焉敢妄行役。
如何浮屠師周，覽思振錫而道不在遠去。去欲誰覓名，相
既虛假空焉。訪遺跡真源浩無窮，尋流安有極。古來超
世人觀妙向空壁，欲了第一機終當絕。聞得幻盡始知
幻，待彼衆緣息。

適興

神理固莫測闔闢無時停萬物盈兩間森然咸委形榮
悴從大化胡為勞其生悠悠念往時飛空如流星先哲
邈難逮撫已空無成嚴霜被中園蔓草猶青青晨夕自
遊目亦足陶吾情

答徐以文

我本不羈士少年知遠遊結交盡豪俊英風邈難儔浩
然志四海壘斷非所求羣雄亂天紀誓將除國讎驅馬

向京邑道路阻且修曠望空歎息失計成淹留時哉苟
未會白璧寧暗投恥同五鼎食笑視千金裘袁絲尚游
俠枚臯事併優知已竟不遇行藏誰與謀白日如逝水
冉冉春復秋人生久羈旅豈不懷故丘芳時倏徂謝悲
緒寒颼颼容華易憔悴安能常黒頭放歌吳門市洗耳
長江流雖然不得意常為蒼生憂心隨去雁遠目送孤
雲愁夫子東海裔濟岱多良籌既無陳仲舉雖賢罕見
收何如共脫屣速駕赴滄洲

有感

退之少苦貧千祿頗浮躁長安三獻書時宰終不報饑
寒日哀鳴踰壯已贖眊向非董張徒宦轍誰與導少年
屢摧抑大器天所造苟不涉患難尤足長雄鷺嗟余樗散
材時邁未聞道雖云寡知己敢忘固窮操徇利多乞墦
賈名爭媚竈薄俗諒如斯何事傷懷抱

寄陳彥博奉常

雨收山氣佳日入川光暝峯憤倚孤松飄蕭發清興花

藥紛滿畦桑麻鬱成徑西林宿鳥歸前溪漁榜定曠望
絕人踪坐愛郊原靜撫景念徂春思君一觴詠

以杜少陵文章憎命達之句析而為韻賦此

違世甘濩落撫已徒憂勤既通金闈籍方思策竒勲胡
為竟殺翮復與沮溺羣念往每懲咎縱學求多聞朝飲
西澗水暮宿東山雲境靜息疲羸心清遺垢氛森然富
藻思載道非空文尚賴特立操千載揚清芬

其二

積雨滿汚瀆
蛭螻聊自藏
盲飈振修薄
笠篋依崇岡
動植各生遂
伊人獨何傷
謫居窮田野
與世殊相忘
緬懷昔憂患
髮短心日長
所願免饑渴
孰敢謀膏粱
戶庭罕遊跡
琅然誦文章
歡來意自得
遐想超黃唐
從此遂閒逸
投老終徜佯

其三

鱣鯨擊洪濤一躍龍門登驚風落潮汐失勢投岡陵
鬢日已槁窮涸何由興翻為獵獮笑敢望餘波騰畸人

感物理冥思多所徵雲翔避矰弋淵潛避笱曾胡為徇
世務轄軻常兢兢昂哉保素履勿貽人所憎

其四

荆璞不善藏輕售與時競雖無泣玉恥棄捐拏光瑩伊
余昧先幾妄往成蹭蹬貪得違素心徇名忘積行通籍
曾幾時三年絕朝請久睽徒侶歡轉失鄉黨敬剝喪匪
偶然且委時與命

其五

功名期宦成文章止詞達千載求全能如何罕竒拔夙
抱稽古志纂言窮隱括幽闡新機深精思元化幹豈徒
責皇猷將以繼往末撫今不自足乃復恥被褐好爵難
久縻世途多忉怛放意樂丘園長歌襟抱豁

送程彥明之松江

同是他鄉客俱為避地人興來猶浪迹別去更沾巾山
路常疑雨江花已報春荒煙投遠戍落日扣通津樵笠
歸墟盡漁蓑度水頻揚帆驚宿鳥鼓柁駭遊鱗俗薄誰

知己時危不計貧飄然滄海上也欲共垂綸

移居為餈朝佐通守賦

佐郡辭簪紱移居遠市塵樓高饒與燈地僻喜幽便芳
樹層簷合嘉蔬隙壤連承顏傾孝敬視膳沃肥鮮製錦
聲華滿分符惠化傳輿談誇息駕醇飲愧張筵繾綣情
彌厚殷勤意更專銓曹行考績未許賦歸田

題江行初雪圖

宿雲黯慘埋巖壑疾風颯颯梢林薄孤舟擺浪何處來

雪片縱橫向人落一翁蓑笠度危橋一翁荷擔轉山腰
崖傾石凍行區區不辭辛苦歸途遙君不見軟裘貂帽
馳快馬遮莫冰花徧原野人生得意能幾何相逢俱是
窮途者

送徐照磨從軍

長淮奔流東到海環疆千里多名都其風剛勁自古昔
異才挺出無時無徐君夙負青雲器少年猶覩承平治
操筆嘗隨驄馬行文史由來曾歷試蕪城繁華天下稀

揮金佩玉爭光輝干戈一變莽蒼出君亦逃難吳江渭
故鄉悵望歸未得大藩開府先推擇英聲洋溢動當時
彈冠再作諸侯客襟懷絕似南湖清王事賢勞心靡寧
亂離幸得倅鄉郡欲往豈料邊塵驚聞道元戎飛薦鶴
掀髯應辟青油幕戎嚴何必屬橐鞬等閑談笑三軍却
扶顛實藉英雄材欲成勲業須時來嗟余何日去環堵
與君攜手黃金臺

次陳彥博博士寒齋四詠韻

燒燈看書

窮經夜焚膏晷短歎冬日孤影戀餘光趺坐寒齋寂寞
思聖途遠時邁恐無及假寐竟忘疲注牀散縹帙

熾炭烹茶

霜寒陰始凝剝盡陽來復因觀薪火傳悟此道機熟汲
井烹露芽聊饜疇人欲滌慮蕩塵昏神清光溢目

袖手微吟

薄宦不成名歸來聊藉手窮通每自悟得喪復何有誰

云松柏林而不生培塿邈矣歲晚期微吟思靜守

擁衾清坐

趺坐擁重衾靜聽窗間雪心清文思深理會塵情絕良璞須善藏素衣還易涅坐久覺光生東軒上寒月

贈章安甫老人

籃輿迢遞出郊坰野服翩然鶴髮星柱史不辭周問禮伏生須為漢傳經汀洲水落蒹葭老澤國霜寒橘柚青自笑隱淪緣底事時危踪跡一浮萍

徐德原司丞隱居

放棹南湖春水深
昔年遊覽得重尋
陶公未許辭彭澤
龐老那容隱漢陰
落絮雨餘霑墨沼
遊絲風暖罥書林
自憐久客渾無賴
亦欲攜詩與盍簪

送宋時中還海昌兼簡王好問提舉

十年湖海共飄零
蹤跡渾如水上萍
宋玉愁多成九辯
王通思苦續羣經
鯨波日落千尋碧
鶴嶺雲開萬疊青
君等懷才須世用
弓旌早晚出虞廷

簡蒲菴長老

論文猶憶自前朝亂後誰憐意氣消元亮歸來依惠遠
少游客久遇參寥山房黍熟供蔬甲石鼎茶香薦菊苗
名勝想無今古異禪龕容我避塵囂

寄蘭照磨

天開泰運息兵塵建業千年王氣新虎旅南征收百粵
龍旂西指定三秦春明紫禁煙花繞日麗彤樓燕雀馴
朝罷從容須獻替要含膏澤及斯民

次趙耘軒見寄韻

曾遊海上望蓬萊
結友惟尋世外才
宏景已聞勾曲去
圖南重見華陰來
大鵬奮翼輕千里
獨鶴凌風徧九垓
我亦吹笙雲漢侶
誤櫻塵網轉堪哀

城南小隱為松江郭彥禮賦

步屨幽尋古岸隈
柴扉正對郭南開
林間野徑穿雲入
溪上春潮待雨來
過客停杯歌白苧
隣翁吹笛坐蒼苔
羨渠高隱空相憶
浪迹多年素髮催

題倪雲林竹石

卷石不盈尺孤竹不成林惟有歲寒節乃知君子心

題畫

窺窓雙青蛾流盼瑤臺鶴自悠鎖芳塵似欲遡寥廓

題水雲深處

落日汎南溪野艇沿流去隔水望儂家雲深杳何處

題凌媼隱居圖

陶令歸來日躬耕不厭貧問誰解同志賴有翟夫人

題扇

雨過蒼苔石幽篁翠色浮南軒曾對此瀟灑憶清秋

墨梅為李鍊師賦

誰向隴頭來寄此一枝雪莫負歲寒盟道人心似鐵

題紅梅

紅綻南枝玉芳姿綽約新不將明媚色競逐艷陽春

苔川夜宿

山繞荒城水自流霜空月色滿溪樓夜長欹枕渾無寐

二十五聲都是愁

龍江旅舍

峩回山轉疑無路潮落江清淺見沙睡覺蓬窗寒日上
不知身在野人家

次薛鶴齋真人見寄韻

贏得閒身便入山只留名字在人間最憐白髮多情者
直待移文始厚顏

題陸濱村舍壁

記得移家白露時秋風又是一年期獨憐零落溪邊柳
那得長條繫所思

閨思

絳桃不似曉粧紅恩譴多年出漢宮自惜傾城多薄命
莫教明月照閨中

次葉楚芳見寄韻

梅子初黃晚雨收閒身猶著木棉裘誰憐白苧新裁就
回首西風又是秋

次陳彥博太常南湖閒步韻

乘閒迂步共尋僧家住寒山第幾層自許他年挂冠去
幽棲終不愧孫登

題盧元佐所藏江山圖

結茆曾住白雲間遊宦多年客未還開卷偶然鄉思動
數峰渾似鄂州山

附鮑恂

字仲孚秀水人有西溪漫稿

三友詩

友道日凋謝伐木久無詩詎謂草木間友道反不虧娟
娟白玉英落落蒼龍枝復有青琅玕歲晏以為期相看
冰雪中節概不少移豈不念轄軒守貞理所宜物性尚
如爾人情良可悲哉三友交吾當視為規

題吳仲圭平遠圖

蒼山遙遙幾千里綠樹參差碧空起雙帆忽從江上歸
影落斜陽濕秋水林陰蒼莽鳥不飛石徑蹭蹬行人稀
松根似可縛茆屋沙尾亦足容漁磯我嘗西遊倚江閣

極目長空入寥廓好山不肯過江來恨不乘風跨黃鶴
吳君畫手當代無落筆何年成此圖安能著我巖壑底
相覓老樵尋釣徒

題五雁圖

薛生三鳳世所稀荀氏八龍殊絕奇郭家兄弟稱五雁
孝友尤為人共推當時八月驚飈起五雁分飛隔空水
十月天清五雁歸相呼相喚蘆花裏我識郭家五弟兄
早學書詩俱令名開圖見雁發深感萬里長江無限情

我今試與五雁語從茲休落瀟湘去瀟湘水深多網罟
明年花發玉階春玉階鴛鷺多如雲願汝飛去同為羣

南風琴送王文伯之任

重華宮中白日長山龍絢爛垂衣裳玉階朝罷南風起
干羽不動生微涼是時治定作韶舞中有桐琴音最古
坐把五絃為揮弄不覺南風滿窗戶一彈民愴解再彈
民阜財直令四海億萬姓熙熙鼓腹登春臺時有五色
鳳飛來表休瑞雔雔玉階前亦感重華意重華之意良

苦深意在生民不在琴九疑雲冷世已遠人人爭欲聞
其音祇今重華御八極每彈五絃長嘆息南風長養百
餘年黑髮蚩蚩豈能識我持此歌送使君生民久待南
風薰承宣政是君所職願早流播人間聞

題吳越兩山亭

新亭卓絕倚雲端兩岝青山繞畫欄衆岫西來馳萬馬
數峰東去跨羣鸞海門帆影煙中見江樹秋容雨後看
千古興亡無限事邊城又聽角聲寒

題扇

松陰翠落千畦雨
瀑布泉流百丈冰
六月山人長衣衲
不知人世有炎蒸

除夜偶成

絳蠟高燒爆竹鳴
羣兒奔走喜還驚
老夫識得春來慣
直伴梅花睡到明

李進

字孟昭海鹽人
號西園居士

遠別離

舊別離新別離人生別離無定期前年郎遊蜀山去今年又客黃河西黃河之水直向東海流滔天捲地無時休不洗人間離別愁蜀山崢嶸而固六龍回日車猿鳥亦難度不斷人間別離路別離之情良可傷白日苦短關山長關山長白日短鑿山填河河又滿河又滿愁難平妾顏未老郎無情

題耕織圖

西疇昨夜膏雨足村村綠樹啼布穀農夫相喚整鋤犁

早起驅牛出茆屋土腴牛健耕易深暖雲籠日春陰陰
斜陽未下終十畝一卷遺經行自吟山妻相敬如賓友
炊黍烹葵餚南畝溪邊濯足隴頭坐高歌且盡壺中酒
年來不用憂旱澇高田宜黍低宜稻官租納足食有餘
社酒雞豚自相勞人言耕夫苦我道田家好但願五風
十雨年穀登室家團園永相保

其二

吳贊作頤明于雪苔雪之水清且冽東隣西舍繅車鳴

銀絲出益光皎潔官稅已輸私債還美人曉織綠窗間
嬌鶯覘院機聲度春筍參差玉指攀織成素絹堅且緻
先奉翁姑後夫婿朔風吹木霜霰飛夫不憂寒妾如意
君不見青樓艷女好蛾眉留客高歌送酒卮纏頭蜀錦
不知數黃金暮盡朝別離不如田家荆布妻貧富苦樂
長相隨採桑養蠶繅好絲年年織絹製郎衣

題畫松

君不見靈隱山前小朶峰入山九里皆青松怒濤翻空

捲江海高枝挂石磧丸龍西湖三月春意濃錦囊駿馬
呼奚童清陰夾道生爽氣金粉撲面香濛濛兩年不踏
湖頭路轉眼春來又春暮畫中忽見一株松彷彿山前
幽絕處幽絕之處多仙靈吾獨何為縛塵纓寄謝仙靈
許同隱準擬長鎻尋茯苓

丹陽道中

茆屋雞聲催早起僮僕相呼戒行李擁袍無計衝曉寒
野店村醪薄于水羊頭小車鐵裹輪後催前挽聲轔轔

平原極目但衰草西風忽起迷沙塵坦途繞過十里餘
行行曲磴多崎嶇松林杳藹不見日凍霧作雪沾衣裾
黃土山岡高復陡車夫努力成牛吼須臾下坂一何易
勢若駿馬爭先走嘗憶當年未為客縱覽方輿徧圖籍
太行蜀道雖漫聞七里八岡今始識男兒初生挂弧矢
豈分拘拘老松梓他年會作子長遊贋賦新詩滿人耳

幽居

雨後看新水天空望遠山入雲蒼隼健坐浪白鷗閒酒

盡壺還賞詩成字重刪才疎信樗散非為惜朱顏

過湖

歸心喜便風孤棹出吳松急雨捎寒浪殘雲逐斷鴻漁人舟是宅龍伯水為宮浩蕩煙波裏長吟興不窮

溪居圖

畫裏溪山好溪亭事事幽闌干三面水風月四時秋野老時分席漁人每繫舟此中容隱逸何用覓丹丘

晚次毘陵

舊壘斜陽裏孤舟野水濱高風懷季子俠氣想春申樹
古鴉啼暝橋危客問津漁歌何處起旅泊易傷神

題畫

淡墨寫生絃微茫景色遙白雲迷谷口綠樹遠山腰此
地真堪隱何人肯見招浮生但適意不必問漁樵

擬賦新宮

海宇澄清泰運開城懸北斗佳蓬萊金銀宮殿千門啟
玉帛衣冠萬國來瑞氣氤氳籠寶座仙韶縹渺奏瑤臺

微臣幸際明良會願獻神堯萬壽杯

過徐州

官船千里過彭城陳迹荒涼草樹平
項籍臺空無舊業
坡仙樓在有餘清天邊夕照孤帆影
洪口春雷白浪聲
過客題詩成感慨青山猶帶古今情

春興二首

聽殘鶗鴂雨中聲歲歲芳時不稱情
酒債詩魔縈病骨
柳煙花霧鎖愁城登樓此日思王粲
作賦何人薦馬卿

見說滄浪歌可愛投簪東海濯塵纓

午睡沈沈飽墨甜惱人幽鳥語前簷扶頭酒醒猶欹枕
花信風高不捲簾世味久諳刀上蜜人情已識水中鹽
知心只有青青竹冷淡相看更不嫌

王母瑤池圖

臺殿參差近碧天房櫳屈曲穿相連瑤池淡淡涵秋水
珠樹濛濛護曉煙雲外鳥來知七夕風前花落是何年
快諧却笑東方朔三度偷桃未得仙

春暮有懷李孟璿

暖雲無力度隣牆風裏遊絲拂地長深院獨眠淹病酒
祫羅初試淺熏香新巢燕子來如約未謝梨花待洗粧
綠草滿池春欲去幾隨詩夢到君傍

紅白蓮花

翠蓋亭亭映碧漪濃粧素質兩相宜華清賜浴春酣後
虢國承恩月上時錦幃風輕波漸灔玉杯香冷露淋漓
茜裙又作霓裳舞清曉來遊太液池

題豐樂樓圖

錢塘城郭帝王州
勝概千年尚有樓
南浦雲開珠箔曉
西山雨歇畫闌秋
玉人歌舞成春夢
芳草王孫非舊遊
物換星移餘事在
蕭條殘墨不勝愁

漂母墓

淮陰城下有荒墳
過客維舟慘壯魂
一飯當時非責報
千金異日果酬恩
雲迷馬鬣封難認
草沒龜趺字已昏
多少英雄困貧賤
世人誰肯念王孫

淮陰懷古

淮浦南邊曉繫舟
擬尋遺跡弔韓侯
酬金墓在蒼松古
仗鉞壇荒碧草秋
功並良何誠不忝
生儕絳灌亦堪羞
風雲消盡英雄氣
楚水無情日夜流

題畫

飛花入簾宮漏長
遊絲落絮春茫茫
金鞍駿馬青絲勒
綺閣小姬紅粉粧
黃金作丸落花底
啼鳥隔花飛不起
明朝更欲載東風
早買樓船放春水

金橋柳色

官橋送別繫蘭橈
官道垂楊拂畫橋
煙鎖翠眉如有恨
日搖金縷不勝嬌
渭城朝雨離筵散
灞岸東風客路遙
君上皇都春又晚
花飛晴雪映趨朝

畫竹

解箨初聞粉節香
拂雲又見影蒼蒼
鳳凰不至伶倫老
無奈荆榛特地長

集句

潯陽向上不通潮離別河邊綰柳條回首可憐歌舞地
玉人何處教吹簫

西湖夜宿

蹇驢衝雪岸烏紗夜醉西湖賣酒家十六吳姬吹鳳管
捲簾燒燭看梅花

附李孟璿

訓導汝寧有南莊集

獨漉篇

獨漉獨漉愁人心泥水沒人濁且深明月不可見明珠

那復尋昨夜牀頭三尺鍔躍鞘時驚吼嗚咽父仇未報
心未雪休論明珠與明月羣象不須斷蛟鰐不須剪與
仇戴天古所戒獨漉獨漉君當勉

坦然老人歌

坦然老人真坦然不求才行人間傳不賦蜀道難懶和
滄浪篇送窮乞巧皆無言坦然心地何所似皎皎白日
懸秋天桑麻田松菊園乃在武林清溪邊傍溪茆屋只
數椽朝出耕夕安眠兒女嬉笑南窗前皇天平平無黨

偏坦然老人真坦然我欲移家相近時周旋

烏夜啼

烏夜啼向何處啞啞繞妾庭前樹天涯遷客天應憐
鳥亦有情啼不去定知明日天恩到天遣啼鳥夜先報
鳥兮烏兮從爾啼爾知妾苦為妾悲妾自促寒機織錦製
郎衣衣成寄遠道願郎衣著蒙恩早郎衣錦歸有時爾
烏長宿庭前枝

題山水圖

大江之南多崇山層巒疊嶂青迴環山中去天不盈尺
我昔與客嘗躋攀凌空直上最高頂恍然身世非人境
蟠桃子熟近瑤池船藕花開通玉井下視羣峰列四傍
蒼松古木煙茫茫琳宮梵宇互隱現丹崖翠壁相輝煌
別來尋常形夢寐忽見此園無乃是浩歌寄謝山中人
目送飛鴻去千里

次韻艷體

閨苑迢遙碧海深青鸞飛斷信沈沈春深香冷銷金帳

夜靜聲閒綠綺琴
殢雨游雲頻入夢
落花啼鳥總傷心
玉簫何處吹明月
目斷闌山不可尋

明妃

玉筋雙垂出漢朝
邊塵滿騎路迢迢
琵琶曲盡腸應斷
環珮魂歸恨不消
沙起黑河風冽冽
雲埋青塚草蕭蕭
黃昏獨有荆門月
長向空村照寂寥

和孟昭春興

憶過蓬萊海上家
春風長日駐韶華
九天風度瑤池樂

五色雲迷玉洞花雷煥多情求寶劍葛洪何處得丹砂
到來彷彿三千歲夢落紅塵隔紫霞

題金碧山水

雨餘山色暖凝春人掩柴門卧夕曛江上圖書和月載
山中雞犬隔煙聞東風搖草香初滿流水桃花路不分
此處仙源知不遠底須騎鶴訪茅君

陳約字博文嘉興人
山西右布政使

促織吟

促織何唧唧一片秋聲滿虛碧昨夜啾啾語牀下羸婦
咿嗁淚流臆婦言上有翁痴女未解櫛丈夫畫作田何
以事促織促織胡爾為促織胡爾悲空階月白風淒淒
豈不聞高樓女兒畫雙眉春來秋去蠶不知越羅蜀錦
花滿枝

其二

促織何唧唧我聞婦言重於悒歎生不逢堯舜時天下
干戈未休息且無八百桑又無二頃田江湖事筆硯卒

歲衣裳穿促織有靈性促織聆我言江天木落秋無邊
胡為夜夜啼我前不聞民間征輸急星火里胥鞭笞淚
盈把

為臧德中題古巖

古巖之巖深若壺壺中之樂神仙都不知幾世幾千古
無乃出乎上古之古初巨靈劈山山盡裂秦王驅石石
為竭石為竭先生此巖獨無恙先後迥同天地滅即今
巖谷易變遷海波朝暮成桑田此巖亘古常晏然更祝

不崩亦不騫永與南山同乎千萬年

二月二日友人王景萬園中牡丹初發景萬置

酒邀余賞之因令作詩以發其不平之鳴為

賦七韻

江南二月氣初淑牡丹葉抽攢嫋綠挿竹成竿扶婀娜
築臺盈尺增發育不與桃李爭春風豈遂繁華共麗俗
待看淑氣過艷陽杏桃落盡無餘香數枝獨殿百花吐
天然富貴輕等常萬紫千紅總俱後芍藥荼靡頽亦厚

吁嗟世事何不然且盡花前一杯酒

錦屏仙踪

赤城多奇峯
錦屏亦殊勝
不知何仙人遺跡在
幽徑松霏灑
石牀竹雪墮
風磴徘徊對巖花
忽送一聲磬

寄鄉中諸故人

相逢何必論萍蹤
旅食京華又朔風
老去豈知身入宦
覺來全覺夢成空
鱸魚故國蓆絲晚
雁影寒江木葉紅
為閩南湖湖上月
幾時詩酒共諸公

天壽日侍宴

山龍黼黻殿中間象貝犀琛貢百蠻星拱已歸天北極
萬呼齊祝壽南山瑣窗虹貫金蓮炬丹陛春聯玉笋班
白髮老臣何以報也霑恩渥駐蒼顏

懷盛玉全

海上青山我昔遊別來回首十經秋諸峰羅立應如舊
獨客棲遲尚此留每恨親朋多阻絕欲傳書信恐沈浮
憐君只在秦溪上相見何時解去舟

偶成

京華二月天氣好寒食已過清明來畫樓朱箔燕新語

綠樹清江花亂開

陳絅字簡文有竹
集約之弟

鶲鵒圖

露冷蓮塘水葉枯秋風枝上鶲鵒孤急難弟兄俱分散

水落沙寒日又晡

題扇

五湖煙水綠生波一葉扁舟鼓枻歌遙想故園戎馬後
千章喬木已無多

秋風吹上老漁船
蓴葉鱸魚味自便
對此雲山無限好
不須圖畫入凌煙

陳繹字思文
約之弟

和吳景長秋興韻

瀟瀟風雨洗秋旻
頓覺乾坤萬象新
畫棟雲飛嗟帝子
銅盤露冷泣仙人
鳳凰覽德翔千仞
燕子辭巢別故隣

欲頌河清獻明主天顏一笑物皆春

桃根接梅

未見東風著小桃先看蓓蕾綻紅椒種從王母來時度
魂向羅浮夢裏招妙奪天香回造化巧將雪色補嬌燒
一聲鐵笛春歸也回首秦源道路遙

題竹

叢篁不盈尺葉葉生秋風鳳凰何時來食實巢其中

陳緝

字熙文
約之弟

白苧詞和沈孟明韻

盈盈窗間女悄悄事編織明明紅粉粧皎皎瓠犀白妾
身不作清露塵妾顏不學巫山雲藁砧年少事游俠閉
門花落愁青春瑤階蟋蟀鳴金井轆轤響綆絕誰再續
因之重惆悵河東織女河西郎深夜起看登秋堂翠翹
銀鳳綠雲繞錦屏繡褥春風香昔為連理枝今成斷腸
草鸞去鏡空存膏沐為誰好妾顏漸改非昔年天上明
月何娟娟東家女子盪舟去玉手不採湖中蓮蓮生藕

有絲零落怨秋色花開猶有時花落恨無跡問郎欲歸
趨何時念妾日夜愁空閨白頭鶯鳥不飛去海枯石爛
雙依棲

壽仙曲為愛山翁

仙人愛山山中居白雲為裳霞作裾山田種石不種穀
石子千載成瓊琚梧桐高岡生鳳雛鸞停鵠峙相追趨
東風吹花映繡襦花下拜舞為歡娛松泉遠溪深遠屋
琅玕青青瑤草綠朝度商山歌紫芝莫過藍田餐白玉

仙人玉立頎而長麗眉皓首雙瞳方酣歌未終樂再張
王喬赤松皆在傍阿母來遺蟠桃香青鳥兩兩先翹翔
雙成飛瓊羅雁行巢笙吹徹丹鳳凰敲金戛玉聲鏘鏘
飲以九醞瓊瑤漿一酌精氣流肝腸神完骨蹠筋力強
再酌毛羽生微涼仰視六合思飛揚何當更酌富眉壽
後天不老凋三光

雨中期張天傳以無舟不至

太乙馮虛不用舟
卧乘蓮葉渡中流
斗牛夜射蒼精珮

風露寒生紫綺裘地隔蓬萊無萬里鶴歸華表又千秋
仙家縮地如無術安得相從到十洲

次吳景長秋興韻

十年朋舊總飄零喪亂無書問死生深院銀燈挑錦字
小樓明月理瑤笙霜寒菊徑思元亮秋老爪田憶邵平
悵望佳人淚如雨夜深腸斷楚歌聲

似張天傳

市涇真士有張騫早歲辭家願學仙古匣龍蛇秋仗劍

石壇星斗夜朝天洞中雲暗長疑雨鼎內丹成不計年

欲試囊中餐玉法明朝相約過藍田

和大兄甲辰歲九日見寄

霜後山林落葉稀黃花采采繞柴扉催租吏去生秋興
墮帽人酣又夕暉歲歉欲求菰米飯天寒偏怯芰荷衣
風塵如此須歸好手把長竿坐釣磯

送周煥文從唐伯剛之吳興

碧瀾堂下即吳興十里芙蓉繞石城山簡歸時應倒載

條侯醉後尚談兵蘋洲雨過秋聞雁橘里春深曉候耕
事簡好將樵唱曲水精宮裏坐吹笙

東吳中永樂寺住持鼎虛中

梵王樓閣冠吳中雲繞諸天會法宮寶藏夜明珠出海
花臺煙暖雨隨風庭松回指思玄奘隴月迎人識贊公
劫後相看情倍好詩成須寄具區東

過潮音菴訪澄海性

潮音精舍水中央寂寞松門掩夕陽翡翠蘭若依水渚

鷗鷺瀉鴻滿魚梁香消柏子春雲冷水滴蓮花夜漏長
人世干戈嗟擾擾欲從苦海問慈航

送道士謝清一歸吳中

丹鼎紅光照洞庭天壇月色帶疎星玄都道士蒼精劖
上界仙人白鳳翎閨闥朝回天蕩蕩藥珠經盡晝冥冥
欲從杖屨秋山裏風雨篝燈采茯苓

次原素上已韻

落花如雪委蒼苔百歲逢春復幾迴流水羽觴嗟寂寞

石田茆屋未歸來舞雩風暖宜童子修禊書成屬俊才
故舊相看情倍好雅懷今日為君開

次近仁韻

長袖方袍塾角巾逍遙天地一閒身庄廬結社邀元亮
鑑水維舟待季真飛絮游絲留白晝野花幽草自長春
林間無地容塵俗祇許先生與卜隣

秋夜懷明本

溪聲浙瀝起蒹葭溪水潺潺漱白沙大地星流還化石

小窗燈冷不成花江淮烽火三千里城郭人民八九家
避地欲尋張博望月明滄海汎靈槎

海上述事

浮生南北任流萍漫刺江湖憶禰衡雁去關河愁萬里
潮來江海月三更燐光夜伴蛩聲泣妖氣晴連蠛蝶橫
欲向靈氛問人事中原何日可休兵

野徑荒涼日欲晡林棲水宿遞相呼汀洲霜冷蒹葭老
山路秋高苜蓿枯屈子壯心能忘楚武侯遺恨在吞吳

便從海島尋蓬島先向鶩湖下鵝湖

憶昔扁舟過洞庭長懷七十二峰青三年跋弛吳中客
十載漂流水上萍作賦便思招海賈移文無復愧山靈
碧天寥闊秋如洗願借仙家白鳳翎

題馮克敬清風軒

層軒修竹翠重重萬葉秋聲吼簷龍冰盃蔗漿凝瑪瑙
金盤玉露瀉芙蓉脫巾挂醉雲根淨柱笏看山真氣濃
滄海月明歌舞地儘堪留客共從容

春波漁傲為王原魯賦

猩袍自脫換年裘鼓枻長歌上釣舟山澤有人能忘漢
熊羆無夢可興周綠波芳草西湖上細雨斜風古渡頭
不是忘君與忘世盛時原自有巢由

雨中

日日江村聽雨眠風塵萬事總堪憐漂流未見民歸業
賦斂重教出市廛壯士有戈回白日豎儒無術補青天
故園夢想荒蕪偏茆屋蒼苔老石田

古巖為臧德中賦

蒼然辟立聳高寒元氣淋漓未乾閑閾自天留澗壑
巉巖如玉倚林巒壺中樓觀金銀氣洞裏神仙日月丹
擬欲柵蘿遊絕頂佇聞環珮響珊瑚

禁煙日簡長如仲如二昆弟

朱闌六曲舊池臺甲帳珠簾已劫灰舊鬼煩冤新鬼哭
前人遺怨後人哀誰將天地為棺槨忍見英雄化草萊
惆悵故園猶未返野花無主為誰開

湖頭誰復載吳娃
鷗鳥多情戀白沙
浩萬春深無杜宇
武陵何處有桃花
雨餘石燕晴歸穴
市近山峰午報衙
看到前朝丞相墓
野人翻土種桑麻

禁煙日懷大兄

留春無計願春遲
花落空山有子規
翡翠樓香來杜若
牽牛引蔓上棠梨
文園多病猶為客
杜老應門亦有兒
田野寒煙不須楚
罷民無食已多時

觀鴟

雲龍風虎護重闕羽蓋霓旌繞石壇金闕九天開閥極
玉京羣帝集仙班秋橫劒氣連星斗朝罷仙音襯珮環
一點英靈渺何處夜深應共鶴飛還

弔古

投筆渡江江水空朝馳淮海暮吳中江東壯士輕王猛
吳下諸公失呂蒙山鬼有靈啼夜月野花無主怨東風
盡將骸骨填溝壑誰在雲臺第一功

題張原素書舫齋

水光雲影欲連空長日吾伊或倚蓬天上星槎張博望
座中人物米南宮歌臨赤壁舷仍扣夢入山陰路可通
遙憶舵樓同晚飲幾回搖盪月明中

竹枝歌次韻

贈君曾出雙南金別君曾彈紫綺琴斷金還比阿奴意
斷絃持比阿郎心

期郎歸時明月圓明月已圓郎未還妾顏不比昔時好
郎心不比昔時堅

石倉歷代詩選卷三百四十三

欽定四庫全書

石倉歷代詩選卷三百四十四

明 曹學佺 編

明詩初集六十四

朱善

字一廉
豐城人

蘭竹操

美貞婦方氏也

冬蘭青青列于階庭風雪所撓不枯不禁

冬竹猗猗蔭于戶牖冰霜所摧不萎迺秀

彼美貞婦志潔行高羌筭朝夕不敢怨勞

有蘭之幽有竹之節守義不渝之死靡慝

夫也天只孰忍忘之子之幼矣誰其將之

夫也天只孰忍負之子之幼矣誰其顧之

適彼南畝言刈其麻我勤于績以定我家

適彼南圃言採其桑我勤于蠶以實我筐

爾筐既盈爾家既寧迺教爾子勤于六經

學業既優克忠克孝維子之賢繫母之教

載歌蘭竹續彼柏舟猗歟方氏共姜之儔

蘭則有馨竹則有筠嗟婦之貞永保令名

遠別辭送餘干令李謙山

風淅淅兮雲悠悠木葉落兮天宇秋君胡為兮不返嗟
客子兮淹留攬西山兮秀色泛東湖兮弄明月樂莫樂
兮新知心奚忍兮輕別山有虎兮湫有龍勞余思兮忡
忡渺餘干兮何許揮五絃兮送孤鴻寫桂棹兮蘭舟慘

子祛兮夷猶南州雖好兮不可以久處嗟子去兮何以
慰我之離愁

漁父還劍辭

日之將夕兮道阻馬罷波流浩渺兮孰極其余母可躋
兮亶也其時子今不度兮後悔可追爾劍雖寶兮余無
所用之豺狼在野兮水有蛟螭子持以往兮慎所歸復
信蹈義兮毋倒行而逆施吁嗟遠道兮後將余思

望雲圖詩為廣州大使熊悅作

瞻彼西山麓白雲何悠悠吾親舍其下望之懷百憂浮
雲不可捲逝水不可返遊子悲故鄉別親日已遠雲飛
可逾嶺母老難辭家豈無甘旨具奈此道路賒昨日鄉
親來老母幸無恙殷勤附書去慟母倚門望阿母望兒
歸兒歸未有期願母加餐飯慰子長相思人言居官好
何似還鄉早他日乞身歸甘舞老萊衣

舟中書所見

五牛牽一車四牛曳一犁耕田不費力運物豈愁遲露

冷草枯候天寒稻熟時農家享快樂父子共熙熙

又

清河五百里觸目興悠然客用驢駄物人驅牛曳船魚
鮮堪換衆棗熟不論錢安得移家住教兒學種田

客省使溫田王西域人也載酒過翰林痛飲且

留詩因和其韻

金臺載酒詞林聚吟詩彷彿陰鏗句共是東西南北人
依然雲路還相遇君言我賦有金聲我亦憐君如玉樹

擣詞已喜錦生花屬思尤如繭抽緒且將綠蟻注清樽
莫遣烏鵲驚列炬夏宵苦短君意長忽覺雞鳴窗欲曙
請君上馬早朝天我亦束衣從此去

長短句

翁騎驢兒牽車童子荷擔相追隨風淅淅草淒淒阿兒
苦寒翁苦饑翁雖不語心傷悲吁嗟薄命當訴誰遼東
雖云樂不如早旋歸

九月初一日庚午出龍江驛

金步口居士集
卷三百四十四
清晨辭鳳闕薄暮出龍江父子趨殊域詩書化異方楚
山雲渺渺遼海路茫茫但願身長健他鄉即故鄉

甲戌過桃源驛

迴與武陵異偶然名字同祇知迎驛使豈識問漁翁危
質慚蒲柳浮生愧梗蓬何由訪仙境不與世人通

八月丁丑至徐州城老妻病歿倉卒葬畢揮淚

登舟而去

病妻中道隕倉卒奈渠何老眼淚雖少中心痛已多椒

漿惟自奠薤露竟誰歌莫作他鄉鬼孤魂寄薜蘿

辛丑入安山湖

湖水渺無際篙工訴苦辛天風能送客川后不淹人風浪排空濶雲山入望頻此生隨萬物何必獨傷神

庚寅入壽光縣界

淅淅風中黍蕭蕭露下桑始驚時物變轉覺道途長報國心常赤思家鬢已蒼故鄉頻入夢煙雨暗前塘

辛卯趨稻田驛

涼風吹古道落月照空山雁過人開戶雞鳴客度闌愁
多心緒亂身老鬢毛斑欲就君平卜茲行幾日還

聞雁

汝向江南度江南我故鄉雖無書達意却有淚成行淺
水浮蘋藻良田足稻粱秋來鷹眼疾去去亦須防

丁酉至蓬萊縣

兩年居禁苑一日至蓬萊海上煙波隔人間歲月催野
鷗從此泛仙鶴幾時回惟有王喬舄雙鳧數往來

廿九日戊戌別刑部從事仇文炳

累月陪歡笑君歸我獨行幾時重會面異國倍關情匹
馬回京遠扁舟過海輕故人來問訊憂喜轉相驚

望鳴呼島

五百田橫士中心出至誠寧為同日死不苟一時生島
有嗚呼號人留慷慨名至今觀信史遺恨幾時平

至金州驛和軍中秀才柴景嚴韻

邂逅金州驛蕭然一旅人身居滄海外家在大江濱酒

至愁先醉詩成覺有神相看兩不厭孰為主和賓

與金州張王二指揮同宿諸窩鋪

海舟曾共濟山館復同眠
柂燒新火櫂逾解舊檣三
盃雖率爾一枕且恬然
明日遼城路君應到在先

古廟松風

遺廟不知何代建蒼松還憶古人哉
遙聞午夜風濤起
疑是半天風雨來

龍灣曉霧

龍灣之水何縈迴曉霧濛濛午未開應有蛟龍現神怪

向空噓氣作樓臺

手山擎月

仙人已乘白雲去仙手猶擎孤月寒好拉洪煙同跨鶴
仍招子晉共乘鸞

蓮池垂釣

露冷風清池水秋蓮衣落盡藕絲柔誰人正把任公釣
豪客方眠太乙舟

附王佑詩

字子敬泰和人
仕至廣西僉事

夜泊采石懷李白酬酒邀月共酌

清夜宿采石浩歌懷謫仙海風吹明月飛上青天懸月光宛如昨太白久不作呼酒坐船頭邀月共斟酌大江如平天倒看明鏡圓水上皆白雪流光入余船當時豈真醉捉月猶兒戲千載笑疎狂幾人會高致我今問嫦娥百歲愁常多古月至今好今人如古何謫仙倘遇之便好同樽酒明月成三人相逢足為友期君君不來輕

掉酒船迴但得天上月長在掌中杯

三山樵者歌為湖廣僉事王子正賦

福州城裏三山好聞爾採樵曾結廬每嘆為官出山早
何如習隱在山居山中喬木凌霜雪清廟明堂嗟未得
豈無松栢成棟梁亦有椅桐中琴瑟我修我斧持我斲
清曉出門行路長初涉寒流度前澗更攀危石上高崗
崗頭遙望扶桑日海底紅輪湧波碧照耀青天絕片雲
奔崕翠壁光相射黃鸝谷口鳴嚶嚶白石峰陰同坐行

辛苦不辭長食力幽栖已慣豈逃名大材當為時愛惜
朽樸由來足薪積許許寧知歌自悲丁丁遠聽聲何急
日斜樵伴邀同歸萬壑千巖行者稀薄靄餘霏昏竹徑
斜陽返照入荆扉當時自分貧亦足與世相違謝榮辱
玉局時來石上看青編夜照薪餘讀明時搜士徧丘園
求帛徵求忽到門金馬玉堂親召見繡衣鐵鉞遠旬宣
山中白雲隨共住甚欲還山不能去芳草應迷行徑蹤
綠蘿長覆栖閒處吁嗟窮達在人生俛仰興懷感慨并

傳說旁求從版築阿衡聘起自躬耕古來出處有如此
豈但于今應時起報効垂休竹帛間還歸重卧雲蘿裏

題蕭彥翀雲構

青霄萬餘仞白雲千百重不在太行九折坂不在匡廬
五老峰海東高人蕭彥翀紫髯如戟顏如童卜居不肯
向巖谷乃欲結構雲之中雲下來兮栖素櫨秀色可攬
光纖纖曉晴潤氣拂蕙帳暮冷清陰飛竹簾鳳臺之素
娥為吹紫簫曲曲罷青天高澄澄如碧玉露洗三更寒

煙飛一庭綠君家世躡青雲梯方厓鐵面秋霜飛繡衣
春當霄漢立勁翮凜凜凌虹霓子亦胸襟隘寰宇曾泛
靈槎訪牛渚好登雲路早從龍大濟蒼生作霖雨

題蕭雅言武山讀書處

武夷山容春更清員如仙髻方如屏中峰遙對章江水
松頂平臨大角星憶我山中尋武姥手招陶皮二仙侶
泉陰芝草春自香洞口琪花夜初吐武姥瑤壇凌紫霞
骨青髓綠顏如花謂言富貴等塵土授爾長生九轉砂

龍吟虎嘯綵鸞唱夜半鳥飛曲江上山中留得煉丹泉
疑是銀河瀉千丈我祖前朝胄監還愛蘭諸老同栖山
武山福地金字額至今照耀雲林間聞君讀書隱巖石
笑我被徵去鄉邑手種巖前幾箇松應有清陰坐沾席
君今解組賦歸休我復乘槎事遠遊想得雲峰峰下石
待君高枕聽泉流涼風吹月從西度玉盤掛在長松樹
遙知夢覺石巖秋應憶朝廻辟雍署武姥雲端如可逢
江南為寄玉芙蓉倘得丹成天上去相從八極跨雙龍

自城陵遣阮庚上桂林候姪伯貞挈家過峽州

却圖入蜀追賦二首

遣爾迎妻子殘冬到峽州瀟湘俱便道灔澦正安流書
挈母遺陞舟行莫滯留鶯花春二月相見錦城樓

又

念爾何時見相離七月餘如何千里道不寄一行書老
恐妻孥隔貧嗟骨肉疎錦城宜早到詞賦訪相如

松滋縣

乃爾松滋縣清妍似故鄉碧湖浮片月紅樹著新霜見
客征魚稅思兄憶雁行峽州知不遠雲際疊青蒼

雲安夜泊同子祺諸公分韻

今夜巴山雨蕭蕭江上聲短蓬依岸宿遠火隔灘明已
迎雲陽驛初辭夔峽城中途仍擬別去住若為情歲月
愁顏改山川離恨并歸期雖未定畢竟共朝京

望湖亭

吳城高處望湖亭天影低垂入杳冥江合東西成巨浸

川分清濁會滄溟夜寒機杼鳴蛟室晚霽帆檣集雁汀
頗恨登臨情不盡廬山雲掩半邊青

小孤山

彭蠡東來一片山雙嶼屹立水雲間乾坤開闢遺孤柱
江漢朝宗會此闢春雨魚龍隨變化秋空猿狹怯躋攀
今來古往俱陳迹惟有潮頭到復還

過安慶弔余廷心

左轄當年鎮皖城江淮千里日交兵四方共倚雄藩在

一木孤擇大廈傾高節分明成蹈海奇才磊落見行營
至今書疏留遺恨丞相旌旗不遠征

夜宿臺中明朝拜封岳瀆詔

宮闈深沈夜氣寒月鉤初上碧雲端羽林侍衛羅千士
粉署趨朝宿百官銀鑰已橫金鎖闔絳紗遙度玉闌干
明朝岳瀆頒封詔四海神人總奠安

過臨臯驛賦簡胡子祺

晚涼官驛過臨臯訪古遙瞻赤壁高粉堞浮雲生暝色

金華山人集
卷三十一
長江明月照秋毫，洞簫吹落王喬鳥。
宮錦裁成太白袍，便好與君沽美酒。
中流擊楫酬英豪。

謁狄青廟

夜入崑崙破敵闖，長驅駐節望仙山。
兵威已振遐荒肅，寇首寧容大理還。
春雨蘋蘩遺廟在，夕陽林木戰營閒。
將軍千古平蠻績，馬援真成伯仲間。

贈別裴伯升

清江科第舊名家，千里初乘出使槎。
離別可憐芳草色，

淹留又遇刺桐花香爐煙底晨趨珮畫角聲中暮散衙
歸到栢司還問信相思雲樹海天涯

潯州司中

青山積翠壓城頭四月高堂氣似秋藤峽西連猺洞險
牂江下合鬱林流茅茨繞郭炊煙起榕葉盈庭宿雨收
頻首歷階雙拜跪安南貢使入中州

舜廟

南海蒼梧萬里遙重華遺跡在山椒地靈尚憶迎龍鼓

天籟如聞奏鳳韶大禹玄圭功已告二妃斑竹恨難銷
小臣再拜瞻龍袞但覺薰風滿袖飄

御史孔希古送別

十八人中同受詔四千里外獨之官九重雨露雲霄迥
六月冰霜瘴海寒自是良材掄枯栢由來至寶數琅玕
天南日夜瞻金闕報主應同一寸丹

湘陰劉臯獨醒亭

乘舟四月過湘陰湘水沈沈湘樹深百里元非仇覽志

獨醒因續屈原吟清風洒落猗蘭浦細雨蕭疏斑竹林
數載相逢重會面洞庭無底是離心

謝劉子高惠冰

御井開冰賜近官故人馳贈出朝端天霜積塊承金盃
雨露融英薦玉盤受賜知君恩最重分嘗令我病先安
憶曾烏府居長夏近侍擎來滿座寒

登鳳臺

鐘山秀疊御屏風金闕端居紫翠中千里帝畿王地濶

萬年天塹大江雄員方圭璧親承祀華夏車書總會同
却笑嬴秦為計拙東南王氣本無窮

贈四明任思賢侍親還鄉

聖朝孝理待賢材羨爾辭官得放回千里白雲親舍在一帆飛雨客船開板輿侍奉追潘岳綵服承歡作老萊想得慈顏長壽考萱花堂上即天台

彭澤懷陶靖節

彭澤江臯五柳色維舟幾度憶高人孔明千載當為友

劉裕終身不得臣酒熟歸來從醉醒詩成贈答到形神
當時笑傲東籬下祇許南山日夕親

湖口驛寄家書感懷

湖口垂楊古驛開西風重繫采舟迴月浮彭蠡玻璃碧
雲擁廬山錦繡堆見雁謾題千里字買魚聊醉九江杯
故園三徑存松菊得似淵明歸去來

荆南舟中寄華容孫景賢臨湘黃允中

故人不見十年餘聞說華容早卜居湖上屢停千里棹

江南不寄一行書別來每恨知心少老去翻令會面疎
得句荆南煩去客芳春問信到茆廬

白帝故城為偽夏屯營之所我朝侯總兵駐大
旗山遣諜出瞿嵐渡據其上流射殺偽平章
鄒遂下瞿闐今其營壘分兵守之即事

上將西征百萬艘大旗山下駐旌旄巴渝未下聲先振
瞿峽相持勢兩高間道便如持幟入緣岐不用襄檀勞
天兵四海俱臣妾恃險無知笑爾曹

先祖父諱日宿青城哀感

青城山縣懷先德萬里江南未得歸手澤至今存典籍
容顏無復見庭闈鄉塋宿草荒春雨蜀道疎林澹夕暉
兩袖東風歸騎遠傷心惟有淚沾衣

荻港值雨

白浪如山雪作堆淮雲將雨渡江來畫船撐入蘆花港
掩却蓬窗半面閑

夜過雷港驛換舟

月暗江天睡不知棹夫催起換船遲滿衣涼露扶殘夢
正是趨朝待漏時

暮過溢城

琵琶亭下換官船江漢秋來水接天莫問英雄千載事
溢城蘆荻鎖寒煙

石倉歷代詩選卷三百四十四